

## Leev Tante Finchen,

ech han dech schon vörijes Johr jet öwwer de Renoverung vom Freiziethem jeschreewe. Jlöw jarnit, dat wöhr schon affgeschlosse. M'r moß sech jetz frore, ob de onendleche Jeschecht diss Johr zo eng jeht. Dat Pastörke, dä Tünn Manickathan hätt zoesaht, dat de Räumlechkeite bes zom Schötze fest wedder zo Verfügung stonnt. Äwwer jlöwste an d'r Weihnachtsmann? Dat Pastörke hätt äwwer secherlech ne johde Droht noh owe, un ejal wie die Sach' uusjeht, d'r jöttliche Beistand es em jeweiß.



On jetz wat, wat mech en Raasch brengt. Em letzte Breef han ech dech jeschreewe, dat Lütt op de Stroß öwerfalle wohde – jetz wehden he bei ons em schöne Hassels och de Läden öwerfalle - sojar am hellische Dach. En Bäckerei, dä Schleckerlade on dä Lottolade am Denkmol. Wo soll dat noch ens henführe? Ech möht nur wesse, wo dat Rabaljepack herkütt (ech han en son Ahnong), äwwer ech hoff', dat de Polente die Drecksäck erwische deht un för lang Ziet fottsperrt.

Och von din Schötze jövt et wedder janz doller Dönekes! En recht jonge Kompanie wöhr jo doför bekannt jewohde, dat Entritte un Uustritte schneller volltrocke wohden, als angere de Ongerboxe wechsele dont. Doch nu send op emol de janze Jründungsmetjleder verduftet, so dat m'r dat Jeföhl hätt, de Ratte verlote dat senkende Scheff. Ech hoff emol, dat Hängke voll, die öwerjebleewe send, fenge baldens e paar neue enteresserte Anhänger, sons wöhr et dat esch emol met de Jäjer he bei ons.

Esch han vom dicke Markus jehöht, dat dinne Schötzeclub schon wedder Ärjer met de städtische Behörde hätt. Am Kirmesplatz hant die Noldeschesser e Halteverbot enjerechtet, dat d'r Opbau von große Fahrjeschäfte verhengere soll.

Äwwer met Hülpe von de Bezirkspolitik hant se uusdröcklesch jesaht, dat et för de Kirmesbedriewer nit jillt. Donoh hätt d'r Platzmeister reschtisch Jas jejowe, on wenn et stemmt wat m'r so verzällt, krieje mer dies Johr e groß Rieserad.

Mensch Tant', dat wöhr doch die Jelegenheit emol widder noh Hassels zo kohme, on Dösseldorw us 38 m Höh' anzokicke!

Ech hoff', mer send ons, bes dohin alles Johde un bliev jesond.

**Di Hänschen**

